

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06), a u skladu sa članom 20., 21. i 52. Zakona o udruženjima i fondacijama ("Službene novine Federacije BiH", broj 45/02), na prijedlog federalnog ministra kulture i sporta, Vlada Federacije Bosne i Hercegovine donosi

O D L U K U

O OSNIVANJU FONDACIJE ZA KINEMATOGRAFIJU

I

U cilju podsticanja, stimulisanja, razvoja i unapređivanja filmskog stvaralaštva i filmske proizvodnje na teritoriji Federacije Bosne i Hercegovine, Vlada Federacije Bosne i Hercegovine (u daljnjem tekstu: osnivač), osniva Fondaciju za Kinematografiju (u daljnjem tekstu: Fondacija).

II

Naziv fondacije je: Fondacija za kinematografiju.
Sjedište Fondacije je u Sarajevu, Obala Maka Dizdara broj 2.
Fondacija ima svojstvo pravnog lica.
Fondacija ima administrativnu, tehničku i finansijsku samostalnost.
Fondacija djeluje na prostoru Federacije Bosne i Hercegovine.

III

Osnovni cilj Fondacije je podsticanje, stimulisanje, razvoj i unapređivanje filmskog stvaralaštva i filmske proizvodnje a naročito u domenu:

- stvaranja scenarističke grade,
- zaštite, čuvanja i prezentiranja filmske baštine,
- snimanja arhivske filmske grade,
- organizovanja filmskih manifestacija,
- stimulisanja stvaralaca, institucija, udruženja i asocijacija,
- očuvanja kulturnih vrijednosti, projekata naučno-istraživačkog karaktera,
- izdavačke djelatnosti u oblasti kinematografije,
- edukacije i stručnog usavršavanja kadrova u oblasti kinematografije,
- povezivanja, saradnje i razmjena informacija i iskustava sa sličnim asocijacijama van granica Federacije BiH,
- stvaranja tehničkih pretpostavki za filmsku proizvodnju.

IV

Fondacija se osniva na neodređeno vrijeme.

V

Sredstva za rad i ostvarivanje ciljeva Fondacije osigurati će se u Budžetu Federacije Bosne i Hercegovine godišnjim Programima Vlade u okviru transfera Federalnog ministarstva kulture i sporta.

VI

Imovinu Fondacije čine:

- dobrovoljni prilozi i pokloni fizičkih i pravnih lica;
- sredstva dodijeljena iz budžeta Federacije Bosne i Hercegovine;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- drugi prihodi stečeni u skladu sa Zakonom i statutom.

VII

Organ upravljanja Fondacijom je Upravni odbor.

Upravni odbor čine predsjednik i dva člana.

Predsjednika i članove Upravnog odbora imenuje osnivač iz reda stvaralaca, naučnih, kulturnih i drugih javnih ličnosti, na prijedlog federalnog ministra kulture i sporta.

Predsjednik Upravnog odbora je ovlašten za zastupanje i predstavljanje Fondacije.

VIII

Stručne službe Federalnog ministarstva kulture i sporta i lica koje ovlasti federalni ministar kulture i sporta, podnijet će prijavu s dokumentacijom i izvršiti druge radnje potrebne za izmjene upisa u Registar fondacija kod nadležnog organa.

IX

Poslove zastupanja i pravne zaštite imovine i imovinskih interesa Fondacije obavlja Federalno pravobranilaštvo.

X

Danom stupanja na snagu ove Odluke prestaje da važi Odluka o osnivanju Fondacije za kinematografiju ("Službene novine Federacije BiH", br. 2/99, 55/02, 23/03 i 30/03).

XI

Ova Odluka stupa na snagu danom donošenja a objavit će se u "Službenim novinama Federacije BiH".

V broj 898/07
19. decembra/prosinca 2007. godine
Sarajevo

Premijer
dr. Nedžad Branković, s.r.